

Daxboh Nyaengqnyatnyat

忙碌的爸爸

Daxboh gou byoemgyaeuj ndaemndwt, miz di gienj, gwnz ndaeng gaq fouq nganxcuiq ndaem, miz aen bak hung rox gangj rox lwnh ndeu, vunz baez daih' it raen de cungj roxnyinh de dwg boux youh coz youh cingsaenz gvaekgvaek ndeu.

Daxboh gag guh aen gunghcangj ndeu, de cei q nyaengq lo. Mwh gou hwnj youwzyenz, moix baez guh caenlwg hozdung, bouxwnq cungj miz daxboh daxmeh daeuj buenx, hoeng gou cix mboujcix dwg daxmeh daeuj buenx, mboujcix dwg daxdaiq daeuj buenx. Yawj daengz gyoengq nyez iq wng caeuq daxboh daxmeh caenmaed guh' angq, gou hozhaenz raixcaix.

Daj doeg it nienzgaep hainduj, gou couh maqmuengh gyaigzeiz ndaej lumj lwnyez wng caeuq daxboh daxmeh caez baeyouz, hoeng couh dwg aenvih daxboh hong nyaengq lai, moix baez bae lijyouz, cij miz gou caeuq daxmeh doxbuenx bae.

Miz baez ndeu, daxboh sawqmwh doiq gou naeuz: "Geij ngoenz neix gou miz hoengq, raeuz daengx ranz okbae lijyouz ba!"

Gou yaek saenq mbouj saenq naeuz: "Dwg caen ha? Gaej gangriu bw." "Dangyienz dwg caen, ngoenzneix youh mbouj dwg ngoenz cietloengh-vunz!" Daxboh haengdingh dwk naeuz. Gou dingq le angq dangqmaz, sikhaek saetsaet diuqdiuq bae ra daxmeh, coi de vaiqdi dingh biuq, lau daxboh



sawqmwh youh bienq.

Miz coenz vah ndeu baenzlawz gangj, lau gijmaz daeuj gijmaz.

Hwnjdin haemh gonq, gou cieq ndaej dienhvah

daxboh, de naeuz: "Lwg ha, mwngz ciengeiz gaej ndatheiq, daxboh caeuq mwngz gangj gienh saeh ndeu." Dingq daengz gizneix, gou sikhaek roxnyinh daengz mbouj ndei, daxboh cieq dwk naeuz: "Miz boux hek ndeu daeuj ndaw cangj raeuz ngonzyawj damz yezvu, gou gojnaengz mbouj miz seizgan buenx sou baeyouz lo. Saedcaih doiq mbouj hwnj, baezlaeng gou itdingh caeuq sou caez bae."

Dingq le, gou lumj doek roengz ndaw vaengz laeg bae nei, buet hauej ndaw rug daxmeh bae, daej naeuz: "Daxmeh, daxboh mbatneix youh yaeuh raeuz, mbouj buenx raeuz baeyouz lo!"

Daxmeh mbouj gangj vah, daj ndaw sieng dawz hingzlij daxboh okdaej, danq gaemz heiq ndeu, doiq gou naeuz: "Raeuz aeu lijgaij daxboh. De hix gig deqmuengh baez baeyouz neix. Mwngz cuengqsim, miz daxboh youq laeng yawj ranz, gou rox daiq mwngz guhcaemz gvaqyinx bae." Mbouj miz banhfap, gou cijnde diingq bohme lo.

Seizneix, gou gaenq menhmenh roxyiuj daxboh vihmaz baenzneix nyaengq lo, de nyaengq guh hong cij vuenh ndaej gij saedceij vuenyungz daengx ranz dou. Gou aeu ndeindei hagsib, daengzcog bang daxboh faenrap, hawj de mbouj yungh baenzlai nyaengq, hawj de hix ndaej bibi baeyouz!

(Ciz Swjangz/raiz Veiz Yennaz/hoiz)

Gaiq Gebfaex "Rox Baenaj"

"会前进"的木夹

Geij ngoenz gonq, gou youq gwnz bonj saw gohyoz cazci raen aen gohyoz sizyen cibfaen saenzgeiz ndeu—Gaiq Gebfaex "Rox Baenaj". Raen aen mingzcoh neix, mwngz haengj-dingh baenzneix siengj: Gaiq gebfaex baenz-lawz rox baenaj ne? Gou hix baenzneix siengj, ndigah gou couh guh aen sawqniemh iq ndeu.

Guh aen sawqniemh neix, aeu yungh daengz aen batnaj iq ndeu, bingz sijgezcingh ndeu, dangyienz lij aeu gaiq gebfaex ndeu dem.

Yamq daih' it, gou cuengq raemx roengz aen batnaj iq bae rim, riengzlaeng soh cuengq gaiq gebfaex roengz ndaw raemx bae. Seizneix mwngz couh ndaej raen: Gaiq gebfaex youq ndaw raemx cij rox luenh bi bae bi dauq, mbouj aiq rox bae soh. Seizneix, gou dawz gaiq gebfaex hwnjdaej, youq giz byai de daz luep sijgezcingh ndeu, caiq cuengq de roengz raemx bae. Haeusim yawj, yiengh saeh saenzgeiz he okdaej lo: Sijgezcingh lumj "aenbang-nyoengx" baihlaeng hojcen nei, byoq ok "feizmbaw", menhmenh nyoengx gaiq gebfaex haeuj henz



batnaj bae.

Da raen yienghneix, ndaw uk gou ngeizvaeg dangqmaz—Sijgezcingh dwg baengh gijmaz rengz ndaej neb gaiq gebfaex daengz henz batnaj bae ne? Gou daiq aen vwndiz neix caz le swhliu, "o, yienzlaiz dwg yiengh-neix!" Gou nyaenx mbouj ndaej gag naeuz gag gangj.

Sou siengj mbouj siengj rox vihmaz baenzneix ne? Yienzlaiz, sijgezcingh ndaej gaijbienq gij rengz najraemx, yienghneix gij raemx haenx couh ndaej nyoengx gaiq gebfaex haeuj henz aen batnaj. Neix hix dwg vihmaz vunz lai ngoenznaengz ndaej yungh sijgezcingh swiq uqyouz.

Guh gohyoz sizyen iq caen mizyinx ha!

(Cuh Yijgoj/raiz Lij Lungzfangh/hoiz)

Gij Simsiengj Roeglaej

麻雀的心思

Ndaw ndwenngoenz miz gojgaeq gak cungj gak yiengh, mizyinx dangq-maz.

Ngoenzsinghiz gvaqringz, gou fatyienh duz roeglaej ndeu mbin haeuj congh ciengz rog ranz gou. Doeklaeng, youh miz duz roeglaej ndeu mbin haeuj bae lo. Gou gig geizgvaic!

Gyanghaemh, gou ngamq yaek guh fangzhwnz. "Cijcet, cijcet" sawqmwh deng geij sing roegheuh heuh singj lo. Daxmeh rox le daeuj cazyawj, cijraen de fwngz gaem dienhdoengz hai cueng, iet gyauej okbae ra, ra raen song duz roeglaej dahraix. Haet daihngaih, daxmeh dawz ndaek faiq lumj aen vangjgiuz hung haenx, bin hwnj aen lae aeu ndaek faiq oet bak congh. Duz roeglaej iq youq ndaw congh heuh ndaej siliengz vetvet. Song duz roeglaej geq dingqnyi sing heuh, fatyienh daxmeh gou, haenqrengz mbin gvaqdaej, youq baihnaj daxmeh gou mbin bae mbin dauq, lij doiq daxmeh gou heuh geij sing, daxmeh mbouj leixlangh cix baebwq. Gou daeuj gvaq cueng bohliz ronghcingx yawjraen song duz roeglaej geq mbin daengz henz

congh, sawq aeu bak beng ndaek faiq ok, hoeng mbouj doh rengz, saedcaih dwg miz sim mbouj miz rengz.

Gyoengqde hojlienx baenzmaz, yawj gyoengqde yienghhaenx mbouj miz banhfap, gou sim siengj: Dangh-naeuz gyoengqde rox gangj lumj raeuz, seizneix dwg naeuz gijmaz ne?

Gou heuh daxmeh aeu ndaek faiq ok. Daxmeh hix rox gou siengj guh gijmaz, aeu ndaek faiq ok le, gyoengq roeglaej mbouj nanz hix dingh roengzdaej lo. Buenq ndwen gvaq-laeng, gyoengqde maj hung lo, rox youq henz ranz gou lienh mbin, hix rox doiq gou heuh. Youh gvaq le geij ngoenz, gyoengqde rox mbin lo, swyouz lo, mbin daengz diendeih engq gvangqlangh bae lo.

Ndae j caeuq ranz roeglaej neix doxbungz, doxcaeuq youq youh doxbiek, gou roxnyinh miz caijsiq dangqmaz. Gij saeh iq neix rox itcig yo youq ndaw sim gou, lij miz gij singheuh caeuq gij yiengh ajfwed mbin haenx.

(Yez Linzlingz/raiz Lij Yanghlanz/hoiz)

